

الرشاد

س ۶ ۱ ۳ ۳ ۰ ۱ ۳ ۳ ۰ ۱ ۳ ۳ ۰

اتبعون اهدكم سبيل الرشاد

دینی ، علمی ، ادبی ، سیاسی هفته لق بمجموعه اسلامیہ در

والله يهدي من يشاء الى صراط مستقيم

صاحب و مدیر مسئول : ع . اشرف ادیب

جلد ۲ - ۹

۱۳ کانون اول ۱۳۲۸

پنجشنبہ

۱۶ محرم ۱۳۳۱

عدد ۴۲ - ۲۲۴

اولوب، هیچ بر طرفه وحشت قالمشدر دیمک دکدر . بنساء علیه عصر حاضرده اعصار مقدمه دن زیاده وحشیلرک بولمسی هیچده بعید دکدر .

وقتا که وجود مقدسی نوع انسانک اوج بالای مدینه ترقی واعتلا سنه وسیله عظمی، واسطه کبرا اولان حضرت محمد (ص) مشهور من اولان ساحه علمی تشریف ایتدیلر ؛ - خارق العاده بر سرعت برقیه ایله - بشرک محتاج اولدینی لوازم ضروریه یی ، مشروع بر طریق داخلنده اکیال ، مخلوقاتی مراتب سعادتک قسواسنه ایصال ایلدی . هرکیم وجدانک قارشینه کچوبده حضرت محمد (ص) دن اولکی انسانلرک حال اسف اشماله ، پویان اولدقلری ضلالت وسفاهته نظر امعان وبصیرتله باقار ، برده اوندن صکره کی حال لرینه، اونک عصرنده واصل اولدقلری ترقیات عظیمه یه نظر ایدرسه ایکی حال بیننده یرایله کونک آره سنده کی مسافه نسبتنده عظیم بر فرق کوره چکی شه سزدر .

أوت ، حضرت محمد (ص) انسانلره خالقنی طانتدیروب اونلری کندیلری کی مخلوق اولان اصنامه ، کونشه ، یلدیلرله ، آتسه ودها بونلره مائل بعض شیلره عبادت ایتمکدن منع ایدوب طریق فوز ونجاته هدایت ایتدی ؛ بو خصوصده یایله جق دعوت بالطبع بعضاً لطف واکرام ایله ، بعضاً عنف وغلظتله اولیوردی . چونکه بر قسم عنود انسانلر حضرت پیغمبری بودعوتدن واز کچبرمک ایچون بعضاً تهدید بعضاًده اونکله محاربه ایدیورلردی ؛ حضرت پیغمبر ایسه بونلرک بعضلرینه تشویق ، دیگر بعضلرینه ده تخویف وترهیب ایله کوریلدیور ؛ حال ومصلحتک ایجاباتی اوزره معامله ایدیوردی .

بوندن صکره پک از بر زمان طرفنده انوار مدنیت اسلامیه اقطار عالمک هر کوشه سنده پارلامه یه، واردینی برلری وحشتن تخلیصه موفق اولدی . حتی بو قدر از بر زمان ایچنده اتباعنک تکثر ایتسی ، هر طرفه نشر انوار فیوضات ایدرک مدنیتک مرتبه عالیاسنه واصل اولملری بتون ارباب عقولی حیرتله ایچنده بر اقیور . فقط تدقیقات عمیقه نتیجه سنده کوریلدیورکه : بونک سببی اسلامک اوامر ونواهیسنک ایجابات عقله موافق ، مقتضای حکمته مطابق اولسندن بشقه برشی دکدر .

ایشته هر کله سی عین حکمت اولان قرآن . هرکیم او طرفه توجه ایدر، یاخود اونده کی اعجازه ، اسلوب افاده سنده کی بدایعه امعان نظر ایدرسه اوزرندن بیسک اوچیز بو قدر سنه مرور ایتدیکی حالده بوکون سولنمش ، بو زمانک احتیاجی ایچون نازل اولمش اولدینی حکم ایتمکده مضطر قالیر . چونکه سهولتی ایله برابر بلیغ ، موجز اولسیله برابرده تام معناسیله مراحمی مفیددر؛ زمان نزولنده کی کلاملره لهجه و اسلوب جهتدن نصل مطابق کوریلدیور دیسه ، هر زمانکی اسلوب کلامده موافقدر؛ صنعت کتابت نه قدر ترقی ایدرسه اونک بلاغتی ده او نسبتنده تقدیر اولنه جق ، ارباب عقول ایچون مزایای قرآنیه آکلاشله جقدر .

بویله بر دعوی عظیم ایله اورتایه چیقان بو دین ، ظهورندن مطلوب اولان غایه بر ربع عصر ایچنده واصل اولمش وتاریخ عالمده حادث اولان اک بویوک انقلابی وجوده کتیرمشدر . قرآنک حاوی فضائل و ماحی رذائل اولماسندن ، او پیغمبر ذیشانک تطبیقاتده رهبرک ایتمه سندنرکه اصحابی ایچنده فضائله هربری بر قومه سرمایه افتخار اولاجق بونجه اعظم انسانیت ظهور ایتشدر . دینمک مناسی، روحی اخلاق حسنه ایله تخلقدن عبارت اولدینی و مقصود اولان بویایه عالییه وصوله مدار اولاجق تفرعاتک هیچ بری اهل ایدلمه دیکی ایچوندرکه یر یوزنده بو قدر آز بر مدت ایچنده بو حیرتفرزا انقلاب وقوعه کیشدر .

احمد نعیم

اوروپا علماسنک مهم برسؤالنه جواب

— ۲۲۳ دن مابعد —

مثلاً : بر نبی نك زماننده خمرک عدم تحریمی ، ینسه نبی آخرک زماننده همشیره سنی نکاحدن نهی وارد اولماسی اونلرک عندنده شرب خمرک مقبول اولدینغه، قیز قرده شی نکاحده باس اولدینغه حمل ایتک جائز دکدر ؛ بلکه اونلرک حقنده نهی وارد اولماسی او زمانکی انسانلرک قوه عقلیه لری بوکی امورک مضرتی ادراک ایتک استعدادنده اولدینی جهته اوزمان حرام قیلنه جق اولورسه اهلرنده برفته عظیمه تحدث ایدرک پک چوق نزاعه ، شدتلی مقاتله یه منجر اوله جغندنر ؛ ایشه بونک ایچوندرکه بونلرک حرام اولدینی سولنمه مش ، اونی ایشه مکدن منع اولنمه مشلردر .

بو سوزیمزدن انیای عظامک جمله سنی عرفان وفضیلت اعتباریله طراق دیشلری کی مساوی اولدینی اعتقاد ایدیورز ظن ایدلمه یین ؛ چونکه درجه ومرتبه اعتباریله بعضیسنک دیگر بعضیسی اوزرینه افضل ومرجح اولدینی غیر قابل انکار بر حقیقتدر ؛ زیرا زمانک تجددی انسانلرده اولان قوای مدرکه نك توسع وتمونه بیوک بر واسطه در . بنساء علیه بورادن اکلایشیلدیورکه دائماً صوکره کلن نیلرک اولکیلردن دها متکامل اولاجنی غیر قابل اشتباه بر حقیقت قطعیه در .

چوق کیمسه لر واردرکه کندیسنی احاطه ایدن اوهامه قایله رق شو ادعاده بولنورلر : اعصار اخیرده کلن انسانلردن بعض کیمسه لر کوریلدیورکه اولنرده کی حماقت، بساطت عصر اولده کلن بعض انسانلره نسبتله دها زیاده ، دها بیوکدر .

اونلره جواباً بزده دیرزکه : أوت ، بودوغریدر ، فقط بزم ادعایه ی نقض ایدم من ؛ چونکه ، حکم دائماً اغلبه در ؛ بالفرض بر بلده ده وحشتک حکمفرما اولسی دیگر مملکتلرده مدنیتک عدم وجودینی نصل اقتضا ایتدیورسه بوده عینیه اوکا بکزر .

زیرا بوکون دنیا ده مدنیتک ترقی ایدوبده مدنیتدن محروم بر مملکتک عدم وجودی مدنیتک عمومیت اعتباریله ترقی ایتسی دیمک

خُطْبَةٌ وَهِيَ عِظٌ

خطبه

۲۷

الحمد لله الذي يعلم الخفي والصرح . الحمد لله الذي يجازي على المليمح والقيح . الحمد لله الذي يرأف بالمريض والصحيح . الحمد لله الذي حكم وهو العلي الحكيم . استغفره واشهد ان لا اله الا هو رب الموابه . واشهد ان سيدنا محمداً وسيلة المطالب . اللهم صل وسلم على هذا النبي الهي المتأقب . وعلى آله وصحبه اهل النهج القويم . = اما بعد فيا عبدالله = لك في كل جمعة موعظة وتذكير ولكنك لا تتعظ ولا تتذكر . تسمع الخطب وترى الخطوب فلا بالخطب ترجع ولا في الخطوب تتفكر . يموت الحى ويبلى الجديد وانت كانك ميت لا تحس ولا تتأثر . تنام وتصحو والنفس لاهية والجسم في الشهوات مقيم . انت احد ابناء الاسلام فماذا قدمت من الاعمال اليوم الوعيد . انت احد المصدقين بيوم الاخذ بالنواصي فعلى ماذا ارتكبت والعذاب شديد . انت احد اصحاب الفكر فبماذا حاسبت نفسك قبل الوقوف بين يدي الملك المجيد . انت احد اهل التميز فلماذا ادخلت نفسك في اهل الجحيم . هل حسبت ان تعدد الملامح يعد من اضافة المزايا . هل سمعت ان سالكاً في طريق الموفقات لم يقع في مهاوى الرزايا . هل رأيت احداً عصي الله ولم يسلط عليه انواع البلايا . هل ظننت ان التقدم يكون والفعل ذميم . اين اعتبارك بمن حوى مال قارون فأصبح القبر يحويه . اين عملك بمقتضى الايمان الذي تدعيه . اين علامة تأثير الوعظ الذي تأتيه . اين خوفك من الحساب الشديد والعذاب الاليم . اين حقوق الاسلام فالعمر ضاع والعمل قليل . اين حب الدين فالدين نعم الصاحب نعم الخليل . اين الزاد فالرحيل قرب والسفر طويل . اين التقوى فالحياة بغير تقوى عدم . اتق الله فالاسلام كان يفترخ بأبطاله فصار يندب اهله . اتق الله فالنفسم الذي كان لا تفزع اسود الغرب فصار في الشرق ترهبه النمل . اتق الله فالدين شكوابكي ولكنك من سؤا القلب في غفله . اتق الله ان الله غفور رحيم = روى مسلم عن ابى هريرة قال قال رسول الله صلى الله عليه وسلم = بادروا بالاعمال فتناً كقطع الليل المظلم يصبح الرجل مؤمناً ويمسي كافراً ويمسي مؤمناً ويصبح كافراً يبيع دينه بعرض من الدنيا = صدق رسول الله صلى الله تعالى عليه وسلم .

نصحيح . - سبيل الرشاد ۳۸ نومرولى نسخه سنده ۷ و ۲ صحيفه ده كى خطبه ده كى بعض ترتيب خطالرينك شو صورته تصحيحى رجا اولنور : ۳ نجى سطرده (والامروبيده) ، ۸ ده (فتى فيق) ، ۱۵ ده (نرداد) ۲۵ ده (كنانحج الى بيت الله) ، ۲۷ ده (سالت بالمعاصى) ، ۲۶ نجى سطرده : (وحيزت غيرة الشهادة فشق ذلك على فقلت لى ابشر فان الشهادة من ورائك فقال) .

على شيخ العرب

والحاصل قرآن باهر البيانك فصاحت و بلاغتي او قدر خطبا وبلغاني عاجز ، بتون فصحاى حيرتلا ايجنده براقديني كى احتوا ايتديكى احكام جليلهده سعادت داريني كافلدر ؛ اكر قران كريمك محتوى اولديني احكام ايله او احكامك هر برلرينك مشتمل اولديني حكم و منافعى تدقيق ايدجك اولورسه ق اخلاقى تهذيب ايتك ، كاله ايرمك ، يشامق ايجون بشريت نه كى شيلره محتاج ايسه اونلرك هيسنى جامع اولهرق بوليورز ؛ كوريبورزكه ، دائما اخلاق حسنه ، سجاياى عاليه ، دنيا و آخرتده بشريتك سعادتتى تأمين ايدجك شيلره امر ايديبور . بونى اثبات ايتك ايجون بروجه آتى اوامر قرآنيه دن برنبذه ذكر ايديبورم :

عدالت ، تواضع ، حسن معاشرت ، تعاون ، حسن خلق ، مالايعنى بي - دنيا و آخرته فأندهسى اوله ايان شيليرى - ترك ، نعمتك قدريني بيلمك ، امر بالمعروف نهى عن المنكر ، آره لرنده كركينلك اولان ايكي كشى بي باريشدرمق ايجون چالشمق ، والدينه احسان ، تحصيل معارف ايجون تشويق ، اكتساب معيشت ايجون سسى وغيرت ، خسته نك حال و خاطرني صورمق ، نصيحتى قبول ايتك ، جهاني اعتراف ، اهل علمه احترام ، حقه اتباع ، هر اموره التزام تأتى ، بي كس يتيم لرى تلطف ، محتاجينه معاونت ، خيرى ، شجاعتي ، عفو واحسانى سهومك ، نظافته ، طهارته اعتنا ايتك ، اولوالامرء اطاعت ، حيات اجتماعيه او غورنده حيات شخصيه بي استحقاق ايتك ، حلم ، صبر ، غدر ايدوب آلداتماق ، سخاوت ، حقوقى بيلمك ، مشكلات اموره ثبات كوسترمك ، قناعت ، امانتى محافظه ايتك ، بيلمديكنى او كرنوب بيلمه ينى او كرتك ، استقامت ، عفت ، صدق ، مروت ، خلوص نيت ، علومت ، قصورني اعتراف ، حقى اذعان ، انصاف ايله معامله ، رأفت ، عرض و ناموسنى صيانت ، خير اوزرينه دلالت ، فصل دعوا ، هزلدن مجانبت ، نفسنى تهذيبه چالشمق ، صابه رحم ، دوستلاني محافظه ، وعديني يرينه كتيرمك ، بورجنى اوده مك ، بشقه ليله استشاره ، التزام حقيقت ، بيوكاره حرمت ، كوچكلره مرحمت و بونلرك غيرى برطاقم امور مستحسنه در . برده او كتاب معظمك نهى ايتديكى شيلره عطف نظر ايدلم .

برده او كتاب معظمك نهى ايتديكى شيلره عطف نظر ايدلم : ايشته اونارده عالم انسان ايجون مضرتى ، فنانلى تجارب عديده ايله ثابت اولان برطاقم افعال قبيحه و مساوى اخلاقدر ؛ زنا ، لواطه ، شرب خمر ، اكل ربا ، ظلم ، غدر ، تكبر ، حسد ، بغض ، كين ، حرص ، بالانجيلق ، غيبت ، نيمه ، ارتكاب رشوت ، سوه نيت ، قتل نفس ، عناد ، والدينه عاصى اولق ، بوش يره چوق سوز صرف ايتك ، فالغه ميل ايتك ، ربا ، قورق اقلق . ظالمه توسط ، حيله ، « صوكى كله جك هفته » مترجمى : اقبه كيل

احمد حمدى